



Innuttaasut peqqissutsikkut sullinneqarsinnaanissaat anguniarlugu cubameersuni peqqinnissaqarfimmi sulisunik sulilersitsiniaanissamut suliniut unitsinneqarallarsimasoq aallarnisaqqinnissaa anguniarlugu Naalackersuisut peqquneqarnissaanik Inatsisartut aalajangiiffigisassaattut siunnersuut. Aallarnisaaneq 2022 naatinnagu pissaaq.

(Inatsisartunut ilaasortaq Anna Wangenheim, Demokraatit)
(Siullermeerneqarnera)

Qujanaq Demokraatit Inatsisartunut ilaasortaataitanut Anna Wangenheim-imut siunnersuummut pisariaqartumut.

Kissaatigissagaluqaara, Peqqinnissaqarfimmi atorfiit tamaasa kalaallisut oqaluttunik inuttalersinnaagaluarsigit. Kisiannili tamanna piviusorsiuqngilluinnassaa, siumut qanorsuaq isigaluarutta.

Ileqqusimavoq Danmarkimiit sulisussarsiortarnerput Peqqinnissaqarfimmut. Tamannali ajornarsigaluttuinnarpoq, aamma Danmarkimi sulisussaaleqartortoqarmat peqqinnissaqarfimmi sulisussanik. Tassungalu ilanngullugu, Danmarkimi sulissutigineqarmat, Peqqinnissaqarfimmi sulisut akissarsiaanik qaffaanissaq, taassumalu kingunerissallugu, suli peqqinnissaqarfimmi ilinniarsimasunik nunatsinnut pissaarsiornerup ajornarnerulernera. Unamminartoq annertoq, ukiuni tulliuuttuni suli unamminarinnigortussa.

Ilumoortormi unaavoq, ukiuni tulliuuttuni utoqqaat passunneqarnissaminnik pisariaqartitsisut amerlisussaanagerat Peqqinnissaqarfimmullu suliassaqareeqisumut suli suliakkersuutaasussat. Taamaattumik allatut eqqarsartariaqarpugut sulisussarsiornitsinni nunanut allanut saalluta Danmarkimuunngitsoq.”

Inatsisartunut ilaasortap Anna Wangenheim-ip uani siunnersuutigaa, cubameersunik peqqinnissaqarfimmi sulisunik sulilersitsiniaanissamut siunnersuutip unitsinneqarallarsimasup aallarnisaqqinnissaa innuttaasut peqqissutsikkut sullinneqarnissaat siunertaralugu. Siunnersuut pitsaasoq. Sapinngisarput tamaat, innuttatta peqqissutsikkut sullinneqarnissaat qulakkeerniartariaqarparput, allatullu ajornartumik Danmarkimit Skandinaviamiillu ungasinnernut eqqarsartariaqalerluta.

Ajuusaarnaraluartumik Naalackersuisut Anna Wangenheim-imiit siumut isigisinnaatiginngillat. Taamaattumik Naalackersuisut allannguutissatut siunnersuuteqarput, misissuinissaannarmik maani nunatsinni peqqinnissaqarfimmi nunanit allanit atorfinitsitsissagaani periarfissat aporfissallu misissorneqarnissaannik. Soorluli kinguarsaaniartut, tamannalumi peqqinnissaqarfiup maannakkorpiaq unammillernartumiinneranut, iluaqutaanngilluinnassalluni.

Siunnersuutilli taakku marluk Naalackersuisut aamma Anna Wangenheim assigiinngissutaat takutiinnarpaat. Annap tigussaasumik iliuuseqartoqarnissaq kissaatigaa allatullu eqqarsarnissani ersissutiginnagu, Naalackersuisut iliuuseqarnissaminnut ersisut.



Qularutigingilara, innuttaasoq passunneqarnissamik pisariaqartitsisoq, sivisuumillu utaqqisimasup politikkeri Anna Wangenheim-itut ittoq piumassagaa polikkerit qanoq iloriarsinnaajunnaartut maanna Naalakkersuisuni issiasuningarnit.

Taamatut oqaaseqaateqarluta Anna Wangenheim-ip siunnersuutaa akuereqqullugu innersuussutigaarput Ilaqutariinnermut- Peqqissutsimullu ataatsimiitaliami suliareqqitassatut innersuussutigalugu.